



南巡盛典

卷四十一之卷四十二
蠲除

784
1177
16





南巡盛典卷四十年以前之...
 蠲除 轉順氣豐稔本縣食餘垂及百餘年
 江蘇布政使 臣託恩多謹
 奏為恭謹分別
 恩蠲仰祈
 聖訓事竊查本年恭逢
 鑾輅南巡
 恩綸疊沛蠲賚頻仍已屬淪肌浹髓復於
 聖駕經過之句容等十四州縣並去秋歉收之清

河等六州縣以及

駐蹕之江寧五縣將本年地丁錢糧分別蠲免三分五分以及全行豁免仰見

嘉惠子來更屬有加無已之

殊恩也臣伏思

皇上軫念民依政先貧乏且

經臨之處絲粟不以擾民在田多大戶非名列籍

紳卽席豐履厚衣租食稅垂及百餘年卽今

乾隆二十一年以前之地丁十年以前之漕

項凡有積欠悉邀

恩免已不下二百餘萬田多則積欠自多一經邀

免其所以仰沐

天恩者較之小戶不啻什伯其倍今欽奉

俞旨恩蠲三分五分並全免之地丁猶得與貧乏

小戶共霑

惠澤更且獨受其豐揆之縉紳富戶恐亦自慚非

分也臣愚昧之見竊謂與其並蠲於大戶莫

若先儘小戶錢糧全行蠲免省一歲之追呼

南巡盛典 卷四十一 二
裕四時之耕作億萬貧黎更爲頂戴

深仁於罔極合無仰懇

皇上天恩俯准仿照乾隆四年前督臣那蘇圖

奏准全蠲五錢以下小戶之例稍爲變通將應

蠲三分之州縣將三錢以下之小戶全行蠲

免應蠲五分之州縣將四錢以下之小戶全

行蠲免其蠲剩之數再以三錢四錢以上至

三兩四兩以下之中戶分別扣蠲至全免五

縣之地丁其中尚有例不並蠲之耗羨等銀

並請

聖恩攤入五兩以上之大戶按田徵收五兩以下

之小戶竟行全免究之大戶邀免之賦尚倍

皇土多於小戶總在

皇恩雨露涵濡之中並無偏倚不均之處如蒙

恩允仰懇

勅下督撫二臣督同臣乘此停徵之時分飭州縣

核定扣蠲確數造冊申送臣躬親核實轉呈

督撫奏

聞咨部一面飭令州縣刊明易知由單給發各糧戶以便啟徵輸納仍不許假手書胥以滋花分勒索諸弊似此辦理臣非不知經徵州縣多此稽查扣報之繁但事苟有益於民生豈敢任其避難就易仰祈不以之為煩

皇上念切民依無微不屆之至意用敢敬獻芻蕘繕摺恭

奏是否可行伏乞

皇上睿鑒訓示於乾隆二十二年六月二十六日

奉

上諭恭載於前

臣等伏以
 皇恩浩蕩
 萬姓難名
 謹抒愚誠
 籲請代
 劄
 伏乞
 聖鑒
 訓示
 謹奏

山東巡撫臣鶴年謹

題為 皇恩浩蕩萬姓難名謹抒愚誠籲請代

題恭謝

天恩事據布政使司布政使阿爾泰呈稱據濟南
 府知府洪肇楸泰安府知府顏希深兗州府
 知府唐倚衡沂州府知府李希賢會詳稱據
 德州等州縣衛詳據紳士耆民宋弼羅以書
 等聯名呈稱欽惟我

皇上

德懋生成

功高化育

痼瘵在抱萬方蒙樂利之庥

胞與爲懷兆姓沐盈寧之澤

載舉時巡之典宵旰維勤

時垂清問之勞垓埏均被乃者清塵除道編氓

分應咸趨何期

賜復蠲租

聖主重施湛露

減輸將於列郡常賦蠲三

厘飢溺於羣黎災區免五

翠華向日春生芻屋茆簷

丹詔自天瑞滿繩樞甕牖濟沂泰竟歡聲叶

鑾輅以和鳴士農工商喜氣映

旌旗而耀彩矧上年瞻

六龍之駕已沐

恩膏詎今歲聞

南遊盛典 卷四十一
五鳳之頒更沾

雨露

殊恩疊沛豈曰挹彼以注茲

異數頻邀誠哉損上以益下從此瞻

雲就

日春臺樂衽席之登鋤雨犁烟秋獲篤崇墉之慶
恩波浩淼與灤沂洙泗以俱長

聖德巍峩超泰岱龜蒙而益峻理合恭請轉詳

聖題謝等情由州縣府詳司轉詳到臣據此欽惟

我

皇上

道隆位育

德協生成

奉三無以履泰競看八極躋春臺

合九有以咸臨奚止二東沾

化雨際斯協吉之會欣逢有道之年爰

問俗以省方廼

蠲租而賜復青陽布令齊魯之草木皆榮

黃幄時巡海岱之蒼黎交慶沐

皇仁之再造願切傾葵頌

帝德之難名心慙寸草茲據布政使阿爾泰詳據

濟南泰安兗州沂州等四府詳據德州等州

縣衛紳士耆民宋弼羅以書等合詞公懇代

題前來臣不敢壅於上

聞理合據情代

題恭謝

天恩伏祈

皇上睿鑒施行謹

題

江蘇巡撫臣愛必達謹

題為

聖恩疊沛羣情感激恭懇詳

題以達微忱事據署江蘇布政使託恩多詳據

江蘇松常鎮淮揚徐太海通等十一府州詳

據上元等六十四州縣蘇州等八衛詳據紳

衿士庶郭孫順繆日藻陸錦祝萬年賀永安

等呈稱欽惟我

皇上

至仁育物

大德誠民承累洽重熙之盛久道已躋於化成

沐飲和食德之休羣生悉歸於在宥乃

聖不自聖猶勤若保之誠安愈求安常切如傷之

念雖使年登大有亦興發補助之頻書一或

偶被偏災卽宵旰焦勞而無已前者

翠華初幸已免十有三年以往之地丁今茲

鑾輅重臨又除二十一年以前之積逋

鳳詔頻頒復蠲本年地丁新賦

恩綸疊下更豁十年以前漕耗既令官無罣悞更

使民鮮追呼甫當問俗而省方早已行慶而

施惠

紫綸初下

闔澤覃敷

恩詔遐宣湛恩汪濊黃童白叟咸仰

聖德之難名海澨山陬爭頌萬年之有道孫順等

銘心刻骨莫報涓埃方思迎

鑾輿而近

天子之光先幸受敷言而仰

皇極之訓深感

至德宜效衢歌爲此連名謹獻微忱環叩據情轉

詳

題謝等情由府州呈詳到司轉詳到臣據此欽

惟我

皇上

德備中和

心符化育

巡方問俗仁風早被於東南

薄稅省刑愷澤覃敷於吳會奉

慈輿而教孝以天下養者能錫天下之福

駐清蹕而勤民爲萬物動者克遂萬物之生子蒞

屋以追呼不擾十有三載以前之逋賦已槩

蠲於

翠華初幸之時昇窮簷以俯仰常寬二十一年以

往之欠租又普免於

鑾輅重臨之日而且經由州縣更按分以減新徵

推之正耗地漕復破格

特從並豁夫清塵除道亦力役之義所宜然矧供

帳頓次悉

帑藏之金所自出迺

恩施於倖澤所不敢倖之餘自感深於名言所無

能名之隱

澤旣溥而彌溥大江南北咸歌樂利蒙休

惠已加而又加萬井赤蒼胥頌盈寧有慶扶杖而

觀太平者聞

丹詔惟願長年焚香而謝

皇仁者望

天顏但呼

萬歲^臣等布宣之下覺閭閻喜氣隨

豹尾而雲蒸奉揚以還見郊野歡聲繞

龍旗而雷動快靚巍巍之上理仰欽

聖德之崇高益徵皞皞之休風用獻輿情之感戴

從此

萬年樂有道之長金甌永固

萬壽協無疆之祝彩袞常新矣茲據署江蘇布政使託恩多詳據各屬紳士耆民人等籲請代

題恭謝

天恩前來臣不敢壅於

上聞謹會同兩江總督臣尹繼善合詞具

題伏乞

皇上睿鑒施行謹具題

聞

安徽巡撫臣高晉謹

題為恭謝

天恩事據江寧布政使託庸詳據安慶徽州寧國池州太平廬州鳳陽潁州六安泗州滁州和州廣德等十三府州詳據懷寧等五十五州縣詳稱據紳士張廷瑒梅穀成趙青藜耆民祝無疆賀萬年等呈稱瑒等身受

國恩躬逢

景運飲和食德同游浩蕩之天鑿井耕田咸慶

生成之樂無不共躋春臺齊登壽域茲逢
翠華重幸江浙欽蒙

恩旨加惠黎元將二十一年以前積欠丁地錢糧
概行蠲免災屬復加賑借漕項並免徵輸豫
撥倉糧以資儲備

天語頻宣歡聲雷動

恩綸疊沛喜氣雲敷旒旒叶卜夫太占庶徵備而
咸安豐樂休助興歌於

輿蹕惠澤周而益慶盈寧從此戶免追呼非徒用
一緩二亦且人勤力作共忻耕九餘三擴有

加無已之

殊恩普萬姓不言之美利瑑等仰
德施之優渥戴高履厚莫罄名言竭草野之微忱
祝華呼嵩難圖報稱惟希據情上達敢乞籲

請詳

題叩謝

天恩等情呈詳到司道轉詳到
皇上
臣據此欽惟我

至仁誠物

盛德統天

累洽重熙厚澤已涵濡於漸被

豐亨豫大湛恩尤汪濊於東南固已

容保無疆納兆民於夏屋綢繆有備登萬彙於

春臺矣至水旱之偶聞雖堯湯不免於往日

若痼瘵之在抱實漢唐未逮於今時恭際

鑾輿載臨江浙奉

聖母以敷

聖化六龍重至瑞氣雲蒸廣

仁政以本仁心三省同霑歡聲雷動舉二十一年

以前地丁積欠絲粟全除俾百千萬戶之中

應納舊逋追呼盡免更以東作方興

念此宿靈等屬卽拯卹之周徧再賑一月兩月而

益慶安全務使西成可繼

勅^臣督撫諸員按極次之等差俾給大口小口而

愈資接濟漕項則正耗齊蠲出貨則曲施頻

予勘不成災人戶

賞借一月金錢倉應多貯地方截留五萬玉粟凡

此有加無已之

殊恩皆出

高天厚地之特典

超軒軼吳洵史冊所罕聞戴

德懷恩實蒼黎之共切水耕火耨人盡歡欣天覆

雲油物生皆遂望

鸞旗之煥彩巷舞衢歌感

鳳詔之諄殷嵩呼華祝從此戶無公吏月明靜鷄

犬之村行看人有餘糧風暖獻羔羊之酒荆

塗高峻未足比

聖德之巍峩淮皖淵深豈能如

皇恩之浩蕩茲據布政使託庸等詳據安省各屬

紳士耆民人等籲請代

題恭謝

天恩臣不敢壅於

上聞謹會同兩江總督臣尹繼善合詞具

題伏乞

皇上睿鑒施行爲此謹具題
聞

江蘇巡撫

臣

陳宏謀謹

題爲恭謝

天恩事據江蘇布政使託恩多詳據江寧蘇州二
府詳據上元江寧長洲元和吳縣等五縣詳
據士民王澤洪端木長宏沈德潛彭啟豐沈
慰祖等呈稱恭逢

翠華重幸葑屋歡騰春滿江城共仰

光華之盛

恩敷海甸同霑

雨露之膏

賜賚蠲租欣逢

曠典截漕發帑疊沛

鴻仁絲毫既不累民間供億悉出自公項猶蒙

聖明遠照

睿慮周詳積年之湛露方濡新糧之恩波又沛

念江蘇駐蹕之地加恩尤渥將本年地丁之賦悉

予免徵

天語傳時鍾阜之紳民倍深忭舞

恩綸宣處胥江之士庶更切懽呼

帝澤之覃敷有加而無已

聖心之眷注歷久而彌深聞

命自天歡聲動地縱使雨金雨玉無此稠疊之

恩慈况兼

賜復賜租共沐頻仍之

賚予亘古希逢

盛典於今獨荷

殊恩從茲黃童白叟共慶盈寧海澨山陬咸歌樂

利伏願

皇圖永固納億兆姓愛戴之誠

聖壽無疆享千萬年昇平之福窮簷食德飲和之

頂戴難達

宸聰草野謳歌拜舞之情形願伸謝悃等情到縣

由府司轉詳到前撫臣愛必達移交署撫臣

尹繼善轉交到臣據此欽惟我

皇上

心周薄海

德遍羣黎

省歛省耕補助動逾夫千萬

土已饑已溺

恩膏彌厚於東南恭逢

鑾輅再臨絲粟均支庫帑慶值

翠華重幸分毫不擾民間乃除稅蠲租通省已邀

曠典飲和食德會城尤沐

殊恩免舊又繼以免新賜全更優於賜半鍾山翠

聳難形

帝德之崇隆震澤波澄莫喻

皇恩之浩蕩欣看黃童白叟胥游熙皞之天葩屋
窮簷益凜尊親之義矣茲據江蘇布政使託
恩多詳據江寧蘇州二府詳據上元江寧長
洲元和吳縣等五縣士民呈請

題謝前來臣不敢壅於

上聞謹會同兩江總督臣尹繼善合詞具

題伏乞

皇上睿鑒施行謹具題

聞

浙江巡撫

臣

楊廷璋謹

六題為據情代

天題恭謝

天恩事據布政使司布政使富勒渾按察使司按

察使台柱會同詳稱據杭州府知府張逢堯

嘉興府知府曾日理湖州府知府李堂詳據

仁和等州縣轉據紳衿協辦大學士吏部尚

書梁詩正等耆民唐在明等呈請代

題恭謝

南巡盛典 卷四十一
天恩等情詳司轉詳到臣據此欽惟我
皇上

德懋生成

功高參贊

念痼瘵於在宥萬邦樂殷阜之休

求寧莫於已安奕禩洽雍熙之化觀

天顏之咫尺

六龍重駕雲衢煥

異命之周詳

五鳳頻翔霄漢清塵除道祇出愚民愛戴之忱

賜復寬租疊被

聖主恩施之渥

免歷年之積欠已荷來蘇

減本歲之正供尤忻過望

時巡載舉撫恤倍優賦稅煩蠲益藏益裕吳頭楚

尾處處見耕九餘三海滋山陬戶戶盡嵩呼

華祝臣忝守封圻職膺司牧見輿情之愛戴

莫罄形容瞻

南巡盛典 卷四十一
鑾輅以恭迎不勝忭舞茲據布政使富勒渾按察使台柱轉據各府屬紳衿士民呈請代

題恭謝

天恩前來

臣

謹會同閩浙總督

臣

喀爾吉善合詞

具

題伏乞

皇上睿鑒施行謹

題

南巡盛典卷四十一

蠲除

蠲典山東巡撫

臣

阿爾泰謹

題爲欽奉

上諭事據布政使司布政使崔應階呈稱據濟南府知府王守震泰安府知府李湖兗州府知府葉棠沂州府知府李希賢會詳稱據德州等州縣衛詳據紳士耆民封合五羅以深等聯名呈稱欽惟我

南巡盛典

卷四十一

蠲除

一

南巡盛典 卷四十一
皇上

恩敷禹甸

德普堯天

登斯世於春臺人遊熙皞

土躋生民於壽域戶慶盈寧去歲偏災屢蒙

賑卹之奉

曠典今春

巡視復荷

蠲免之

殊恩惟正有供已免三分額稅災區何幸更蠲一

半輸將追呼息而民樂耕耘葑屋之豐亨有

象賦歛薄而士安誦讀花村之雞犬無聞行

見士農工商喜氣映

旌旗而耀彩濟沂泰竟歡聲叶

鑾輅以和鳴理合恭請轉詳

題謝等情由州縣府詳司轉詳到臣據此欽惟

我

皇上

南巡盛典

卷四十一

蠲除

七

道隆參贊

德協生成

厲宵衣旰食之勤惟恐一夫失所

恤暑雨祁寒之隱時以萬物爲懷固已人躋春

臺處處衢歌巷舞戶登壽域家家鼓腹含哺

猶以

翠華所蒞應愜編氓望澤之心

鑿輅所經更憫上歲歉收之地

蠲輸將之正數常賦免三繼賑卹之

殊恩災區減五

春生芻屋萃竟沂泰濟之民歡聲雷動

澤遍茆簷闔海岱濟河之地喜氣風生從此五

風十雨快大有之頻書抑且耕九餘三卜倉

箱之永慶矣茲據布政使崔應階詳據濟南

等四府德州等州縣衛紳士耆民封合五等

呈請

題謝前來臣不敢壅於上

聞理合據情代

題恭謝

天恩伏祈

皇上睿鑒施行謹

題

... 風雨... 聖主隆恩... 題為... 江蘇巡撫... 陳宏謀謹

江蘇巡撫 臣 陳宏謀 謹

題為

聖主隆恩疊沛兩江戴德彌深懇請詳

題以伸謝悃事據江寧布政使彰寶署蘇州布

政使事按察使胡文伯詳稱據江寧府知府

沈孟堅蘇州府知府李永書松江府知府富

琦署常州府知府潘恂署鎮江府知府陳景

淳淮安府知府孔傳炯揚州府知府楊重英

徐州府知府邵大業太倉州知州邵豐鏞海

州知州姜順蛟通州知州張宗衡等十一府
州詳據上元長洲等各州縣衛紳衿士庶耆
民梅穀成熊本沈德潛韓彥曾沈慰祖郭孫
順繆敦仁宋宗元畢來玉朱光發周懷仁蔣
榮繆遵義張曾彙蔣國華端木長宏方觀本
高萬全吳定國王鎬龔茂勳王原圻朱垣駱
琚王畹汪朝勳葛廷堅王康佐錢士澄季端
村孔毓桂方永清周萬福陳觀光等呈稱欽
惟我

皇上

德懋生成疊會嘒白叟黃童歡和輿觀志榮而
大道隆覆載日之東馳三吳八溟蒸丹之醑
堯仁浩蕩均遐邇以普施

舜日光華統臣民而共照循以助以休之制問俗
省方厘已饑已溺之懷推恩錫類遙臨吳會
繩

聖武之貽謀行慶兆民廣
慈恩之覃被絲粟輸諸

天府不擾閭閻雨膏布及田間寧虛望幸

特沛非常之澤用寬惟正之供通省之舊逋豁於翠華載幸之初經臨之新賦免於

鑿輅入疆之日尤以

駐蹕之區宜優茂典再將本年地丁之額悉予全

蠲勞

九重不遑暇日之衷錫三吳乃粒蒸民之福

洪慈曠典稠疊增加白叟黃童懽呼踴躍忘勞而

皇土皆爲安宅食德而益幸厚生穀成等生長南

邦遭逢

聖世捧絲綸而舞蹈

大德如天瞻桑梓以歡娛

湛恩似海敢不鏤心刻骨拜手披丹沐有加無已

之深仁一方生色抒戴德感恩之微悃率土

同情合連袂以陳詞乞颺言而入告伏祈轉

申據情代

題恭謝

天恩穀成等無任感激懼忭之至等情由縣府呈

南巡盛典 卷四十一
詳到司轉詳到臣據此欽惟我

皇上

德溥八紘

仁周九有

誠求保赤黃圖徧沐和風

省方觀民青甸普霑渥澤法

聖祖之時巡無逸望幸者早遍東南奉

慈寧之寶輦金輿祝嘏者羣相懽忭乃者

闔澤頻施

恩膏疊沛

翠華載幸之初先蠲積欠地丁

鑾輅入疆之日又免本年額賦

駐蹕之地更普

仁恩經過之區均頒

帝澤似此非常之

曠典豈小民所敢仰希若茲逾分之

隆施實到處咸爲額手千邨老稚得遂瞻

天難名愛戴之忱萬戶蒼黎共被

殊恩盡有欣榮之色聞

丹詔而頌

聖德者巷舞途歌望

天顏而祝三多者摩肩接踵臣等宣布

皇仁俾霑實惠覺閭閻喜氣隨

豹尾而雲蒸見郊野歡聲繞

龍旗而雷動惟祝

一人之有慶咸歌

慈壽之無疆從此催科不擾軍民忭舞於

堯天耕鑿咸安童叟謳吟於

舜日將見餘三餘九普天徵年豐人壽之祥益知

曰盈曰寧萬禩協

天保九如之祝茲據江寧布政使彰寶會同署蘇

州布政使事按察使胡文伯詳據各屬紳衿

士庶人等籲請代

題恭謝

天恩前來臣不敢壅於

上聞謹會同兩江總督臣尹繼善合詞具

題伏乞

皇上睿鑒施行爲此謹具題

聞

安徽巡撫 臣 託庸謹

題爲恭謝

天恩事據安徽布政使許松佶詳據安慶府知府
 溫必聯徽州府知府王尚湄寧國府知府嵇
 璠池州府知府張聚琿太平府知府棟文廬
 州府知府王晟署鳳陽府知府梅長遇潁州
 府知府史魯璠六安州知州福爾敦署泗州
 知州德寧安滁州知州刁世昌署和州知州
 秦廷堃廣德州知州魏廷會等府州詳據懷

南巡盛典 卷四十一
寧等各州縣詳摠紳士梅穀成張廷瑒趙青
藜耆民賀萬年祝無疆等呈稱欽惟我

皇上

德合堯天

仁周禹甸

凝萬年之景命容保無疆

天大一統之鴻庥太和屢洽神功巍煥共球輯梯

山航海而遙久道化成聲教訖日出星羅之

輿穀成等躬逢

泰運親沐

鴻恩食德飲和咸慶

昇平之福戴高履厚同遊

浩蕩之天中外共享康禔遐邇永膺嘉祉上冬

恭逢

皇太后七旬萬壽荷蒙

皇上孝思不匱上

鴻號以隆尊養之文仁育靡遺舉茂典而敷生成之

化極

九重之崇報亘古獨隆合萬國以承懽普天效順
固已四海被康寧之錫千秋揚頌禱之徽矣
今春伏遇

皇上恭奉

皇太后鑾輿巡幸江浙欽奉

恩旨加惠黎元將乾隆二十二年起至二十六年
止所有節年災田緩徵及未完地丁各欠項
照二十二年之例概予蠲免用光

慶典益廣

仁恩

異命重申歡聲雷動

解澤大沛喜氣雲蒸慈惠每推自

璇宮景祚錫而永隆怙冒休助疊沛於

輿蹕惠澤周而益慶盈寧擴有加無已之

殊恩普萬姓不言之美利穀成等仰廣運之

帝德莫罄賡揚竭瞻就之葵忱難圖報稱惟希據

情以上達敢乞籲請轉詳等情由府州據情

呈詳到司轉詳到臣據此該臣看得欽惟我

南巡盛典 卷四十一
皇上

執中建極

錫福綏猷

念民力之普存宵旰彌殷於清問

勵天工之熙載省觀屢舉乎時巡法

祖之政惟勤賚下之恩愈溥歡騰兆庶喜溢班聯欣

逢辛巳仲冬恭慶

聖母萬壽荷蒙

皇上廣孝治而錫類

一人之尊養彌隆昭慶典以施仁四海之歡心畢

洽當

慈恩覃被之際正南邦望幸之時

皇上恭奉

皇太后鑾輿重臨江浙問俗觀風旣舉巡方之曠典

蠲租賜粟復頒渙汗之鴻慈

天語昭宣燦雲漢而並麗

聖恩汪濊合淮海以同流從此耕九餘三永紆東

南之民力含哺鼓腹盡沐遊豫之

皇仁臣等欣逢

盛世喜際

熙朝恭隨

鑾輿敬伸葵藿欽遵

恩命勉效勤宣瞻

聖德廣運之休歲歲覲

天顏有喜仰久道化成之美年年祝

聖壽無疆茲據布政使許松佶等會詳據安省各

府州屬紳士耆民人等呈請代

題前來臣不敢壅於

上聞謹會同兩江總督臣尹繼善合詞具

題伏乞

皇上睿鑒施行爲此謹具題

聞

皇土... 具...
 上諭... 會... 同... 王... 蘇... 善... 合... 隨... 具... 安... 省...
 浙江巡撫臣莊有恭謹

題為欽奉

上諭事據布政使司布政使索琳按察使司按察
 使李治運糧儲道雷暢鹽驛道袁守侗會同
 詳稱據杭州府詳據仁錢二縣紳衿士民傳
 王露汪憲柴潮生陸嘉穎胡際泰趙樹元孫
 士毅皇甫鯤趙珍李英發等呈為

皇仁浩蕩再荷

恩蠲叩祈詳請

題謝事竊露等隸籍浙東奠居省會欣

翠華之三至荷

愷澤之頻施擊土鼓而奏匏笙謳歌徧乎禹蹟啟

星田而開月戶樂利沛乎周原耕而食鑿而

飲休哉擊壤之謠解民慍阜民財籍甚歌風

之曲共快

皇仁遐邇八紘霑

雨露之恩豈期

帝德重蠲五色煥

絲綸之詔溯

貽謀以繩

祖武

駐蹕之地蠲賚疊加勤

色養以奉

慈顏附郭之區地丁悉免歡騰葑屋仰

膏露於

天朝喜溢花村慶太和於

盛世扶杖而觀

仁政既覘

大澤之咸周沐手而拜

詔書復荷

殊恩之獨被雖俯慙螻質難申獻曝之誠而仰答

天恩敢效躋堂之祝所有感激下情伏乞具詳

題謝等情由縣府司道轉詳到臣據此欽惟我

皇上

大德承天

至仁育物

省方問俗

宸遊惟切於民依二澤轉二士二勤二王二靈二等二

賜復蠲租

異數動循為故事茲當

盛典時修之後更值常五甲所靈之間日對

慈恩覃被之餘猶以田寧精誠

駐蹕經旬卽草木尚知愛戴德林香露降風清

回鑾信宿繁士民能勿懷思雖粒粟寸絲供備不

煩乎民力而衢歌巷舞懇誠倍切於凡情爰

鑿芹曝之忱

特沛雲天之施地惟上則併薄賦以胥蠲丁有常
科並滋生而悉免自此新絲舊穀留贏皆

帝澤之餘鑿井耕田寧靜極

皇風之盛薰風來往常在明湖靈岫之間暇日優

游彌切

雲旱

寬旌之望茲據仁錢二縣紳衿士民傅王露等聯

名具呈由縣府司道詳請代

題恭謝

天恩前來

臣

謹會同閩浙總督

臣

楊廷璋合詞具

題伏乞

皇上睿鑒施行謹

題

南巡盛典卷四十二

蠲除

山東巡撫 臣 崔應階謹

題為欽奉

上諭事據布政使司布政使梁翥鴻呈稱據濟南
 府知府姚立德泰安府知府宋文錦武定府
 知府許兆虎兗州府知府覺羅普爾泰曹州
 府知府徐績沂州府知府宋敞東昌府知府
 汪化龍會詳稱據德州等州縣衛所詳據紳

南史卷四十一
士盧見曾李士垣等聯名呈稱竊惟任土作
貢千古常經

賜復蠲租

聖朝曠典曾等躬逢

盛世觀時雍風動之休生際

昌期樂蕩平正直之化人欣

舜日戶戴

堯天婦子盈寧中外咸歌樂利雨暘時若遐邇共
慶昇平去歲豐登已仰賴夫

聖德惟茲正供應共效夫輸將乃沐

恩綸特蠲十分之三復荷

鴻慈盡豁積年之欠沐

皇仁之普被浹髓淪肌荷

聖澤之廣施銘心鏤骨從此瞻

雲就

日蔀屋樂衽席之登鋤雨犁烟秋穫篤崇墉之慶

恩波浩蕩與海水爭長

膏澤覃敷共岱雲同溥喜氣映

旌旗而耀彩歡聲叶

鑾輅以和鳴理合恭請轉詳

題謝等情由州縣府詳司轉詳到

臣

據此欽惟

我

皇上

德協乾坤

恩同覆載

保黎若赤萬方蒙樂利之休

生物如天四海沐昇平之慶固已戶登康泰家

家鼓腹含哺人履春臺處處衢歌巷舞猶以

翠華所蒞應愜編氓望澤之心

鑾輅經臨普宣比戶誠和之福

減輸將之正數常賦蠲三

念災緩之夙逋積年俱免花村日麗欣剝啄之

無聞蔀屋風和慶盈寧之有象從此五風十

雨羣占大有頻書抑且耕九餘三共卜倉箱

永慶願葵忱之上達處處嵩呼望

翠華以輸誠家家封祝茲據布政使梁翥鴻詳據

濟南等七府詳據德州等州縣衛所紳士盧

見曾李士垣等呈請

題謝前來臣不敢壅於上

聞理合據情代

題恭謝

天恩伏祈

皇上睿鑒施行謹

題

江蘇巡撫臣莊有恭謹

題為

皇恩浩蕩萬民啣感詳請

題謝以達輿情事據江寧布政使永泰蘇州布

政使蘇爾德詳據江寧府知府沈孟堅蘇州

府知府孔傳炯松江府知府徐名標常州府

知府潘恂鎮江府知府楊魁淮安府知府姜

順蛟揚州府知府勞宗發徐州府知府邵大

業太倉州知州邵豐鏃護海州知州錢汝恭

署通州知州德寧安等詳據上元等六十四
州縣並蘇太等八衛詳據紳衿士庶熊本沈
德潛韓彥曾沈慰祖許集郭孫順繆敦仁吳
士端蔣榮繆遵義錢人麟蔣和寧湯大紳秦
鑽睦朝棟馮秉彝荆之棟于文駿馬珩聲朱
觀笄壽王賓錢枝桂董毓麟李元錦毛詠方
觀本高萬全龔茂勳王康佐祝萬年等呈稱
恩竊本等幸際

昌期常沐

天邊之雨露欣逢

泰運久霑

日下之恩膏固已鼓腹含哺羣歌樂利飲和食德
共戴生成今春恭遇

鑾輅四臨舉三載

時巡之大典

翠華再蒞慰萬民望

幸之誠心絕無供帳之煩惟切近
光之喜顧蒙

睿慮周詳

恩綸特沛將乾隆二十八年以前節年災熟銀糧
概予蠲免又蒙

特恩將江浙水陸經過地方本年錢糧蠲免十分
之五又蒙全免

駐蹕各縣地丁銀兩

大澤汪洋與春波而並遠

聖仁溥博同曉露以俱垂聞

命自天懽聲動地衢歌擊壤共祝

聖壽无疆感激淪肌普慶

皇圖鞏固爲此恭懇據情詳請代

題等情呈縣詳府到司轉詳到臣據此欽惟我

皇上

德並堯天

仁周禹甸

時巡時邁

惠澤屢沛於閭閻

蠲賦蠲租

南巡盛典 卷四十一
恩膏疊加於蔀屋積年之舊欠既蠲於
翠華載幸之初本歲之新糧又免於

鑾輅入疆之日

駐蹕之地更普

仁恩經過之方疊頒

帝澤

恩旣溥而彌溥大江南北咸歌樂利蒙休
惠已加而又加萬井編氓胥頌盈寧有慶黃童白

叟爭輸葵向之誠紫陌青郊競獻華封之祝

臣等宣布之下覺閭閻喜氣隨

豹尾而雲蒸奉揚以還聆郊野歡聲繞

龍旗而雷動茲據江寧布政使永泰蘇州布政

使蘇爾德等詳據各屬紳衿士庶人等籲請

代

題恭謝

天恩前來臣不敢壅於上

聞謹會同大學士管兩江總督臣尹繼善合詞具

題伏乞

皇上睿鑒施行謹

題

安徽巡撫 臣 託庸謹

題為恭謝

天恩事據安徽布政使程燾等詳據安慶府知府

鄭時慶徽州府知府李嵩護寧國府知府張

善長池州府知府邢琮署太平府知府赫爾

敬阿廬州府知府王歲鳳陽府知府俞成穎

州府知府勞宗發六安州知州魏廷會泗州

知州莊經畬署滁州知州李文勳和州知州

馬文魁廣德州知州明福等府州詳據懷寧

南巡盛典 卷四十二
等州縣詳稱據紳士葉酉姚孔鋹張必剛楊
超恒耆民劉雪崖黃純先等呈稱欽惟我

皇上

道協一中

化符兩大

播異風於黍谷仁被堯封

沛解澤於茅簷恩周禹甸天波浩蕩膏流浴日
之區衆志恬熙慶溢翔風之宇黃耇含飴僉
幸用一而緩二蒼黎鼓腹咸欣耕九以餘三

負耒橫經感同高厚衢歌巷舞情切謳吟固
已從欲以治處處物阜民安久道化成家家
飲和食德矣茲者欣逢

皇上重循省方問俗之典下慰望休幸助之懷恭

奉

皇太后安輿四巡江浙體

璇宮愛育之心殷

黼座如傷之念將江蘇安徽乾隆二十五年以前
因災未完蠲剩河驛俸工等款並二十六七

南巡盛典 卷四十三
八三年因災未完地丁河驛等款以及二十
八年以前節年因災未完漕項暨因災出借
籽種口糧民借備築堤堰等銀一百四十三
萬餘兩又籽種口糧內米麥豆穀十一萬三
千餘石概予蠲免推廣

慈仁遐敷草野重施

膏澤下逮閭閻壤連吳楚家霑太液洪波星應斗
牛戶暈上林春色爲地丁爲漕項免逾百萬
有餘或米穀或銀錢蠲及累年而上耕田鑿
井黃童白叟任嬉遊解愠阜財綠野青疇咸
樂業酉等生逢

盛世身沐

殊恩灑來十行珠露皖水流膏望去萬里彤雲龍
峯滴翠寤寐就瞻向天衢而申華祝扶攜老
幼拜道左而獻葵忱敬抒下悃呈詳乞據微
誠轉達等情由府州據情轉詳到司道呈詳
到_臣 據此該_臣 看得欽惟我

皇上

德懋中和

道昭位育

宵旰厘蒼生之念早布

省觀

孝治廣承歡之情用推

錫類本無逸以

作則因時邁而

行邦恭奉

慈幃

春暉遍麗於禹甸膏隨

蹕輅

聖仁政覃敷於堯天

容保無疆蠲復之

殊恩疊沛

純一不已免減之

異命重申老安少懷戶戶淪肌浹髓飲和食德處

處巷舞衢歌羅拜

嵩呼以豫以遊快慰

景卿之望繞街

華祝式金式玉歡就

天日之瞻愛戴彌殷咸感於生生世世葵傾益

切更祈於歲歲年年臣等仰觀

榮光親承

曠典惟有颺言

聖德萬年慶叶永清載歌

帝暉四時光同復旦者矣茲據布政使程燾等會

詳據安省各府州屬紳士耆民人等呈請代

題恭謝

天恩前來臣不敢壅於

上聞謹會同大學士管兩江總督臣尹繼善合詞

具

題伏乞

皇上睿鑒施行爲此謹具題

聞

恩用光盛典前此三經臨幸恩旨疊頒所有江南省積欠地丁等項蠲免至二百餘萬兩維時地方大吏率多遵循舊例例所應蠲者不論災熟積欠並予豁除而於因災緩帶之項其中有例不准蠲者轉未獲一體邀恩於情理未爲允協因思成熟地畝當年出產本豐自不難踴躍輸將年清年款其陳積未完者實不免預覬恩膏有心觀望若因災停緩之糧勢由歲歉不齊致滋逋負初非玩戶抗延之比今翠華所過慶典聿修而此等祲薄窮黎未蒙濺澤朕心深爲軫念著加恩將江蘇安徽乾隆二十五年以前節年因災未完蠲剩河驛俸工等款并二十六年七八三年因災未完地丁河驛等款以及二十八年以前節年因災未完漕項暨因災出借籽種口糧民借備築堤堰等銀一百四十三萬餘兩又籽種口糧內米麥豆穀十一萬三千餘石概予蠲免至浙江一省額賦本較江南爲少其積欠亦屬無多著將乾隆二十六七八三年因

災未完地丁銀兩并二十七年屯餉沙地公租
二十六七兩年未完漕項等銀十三萬二千五
百餘兩又二十八年借給籽本穀一萬三千七
百餘石加恩悉行蠲免以均惠愷該督撫等其
董率所屬實力詳查妥協副朕嘉予元元至意
倘有不肖胥吏從中舞弊隱射侵漁察出卽與
嚴叅從重治罪該部遵諭速行欽此欽遵於本
日抄出到部相應行文浙江巡撫轉飭欽遵
辦理可也等因咨院行司奉此遵經轉行并

膳黃通曉欽遵在案茲據杭州等府會詳據
閩省紳衿尚書錢陳羣原任禮部侍郎齊召
南原任工部右侍郎范燦原任宗人府府丞
徐杞原任四川學政沈榮仁原任禮科給事
中孫宗溥原任山東道監察御史馮浩原任
翰林院編修吳嗣富原任翰林院編修陸樹
本原任翰林院編修陳枏原任內閣中書陳
兆崙原任福建鹽法道吳謙鋹原任江蘇常
鎮道沈嘉徵原任山東濟東泰武道張天如

翰林院五經博士孔傳錦進士陳開基舉人
蕭立選生員駱丹書耆民祝遐齡盛世昌陸
永錫等呈爲感荷

恩蠲共戴

皇仁浩蕩環祈

題謝用申臣庶微忱事竊羣等生逢

聖世南天仰

化育之仁身伏江鄉

北極切就瞻之想今者欣逢

聖天子恭奉

皇太后

鑾輿載幸

鳳詔先頒

照臨荷日月之光喜溢黃童白叟沐浴協雨風之

潤歡騰越水吳山大澤遍逮茆簷氓庶竚迎

玉輅茲復

皇恩汪濊先

駐蹕而沛隆施

睿慮周詳當

時巡而籌舊課念兩浙奉公特謹積欠無多惟昔
年寬緩帶徵夙逋猶在爰奉

恩旨將二十六七八三年因災未完地丁銀兩并
二十七年屯餉沙地公租二十六七兩年未
完漕項又二十八年借給籽本悉行蠲免扶

杖讀

朝廷之詔喧聞父老嵩呼含哺歌

天子之仁共聽街衢華祝扇春風於堤柳莫喻

慈恩沛靈雨於桑田未侔

愷澤所有感戴蟻忱伏賜具詳

題謝等情到臣據此欽惟我

皇上

道配乾元

德符坤厚

中和建極早占萬國咸寧

胞與為懷猶慮一夫不獲際問俗省方之鉅典

疊降

恩綸展解衣推食之深仁悉蠲積欠花村日麗家
家庚癸無聞繡甸風清戶戶倉箱有慶十一
郡引恬引養歡騰越嶺吳江千萬姓以助以
休敬效嵩呼華祝臣等欽承

鳳詔仰體

鴻慈容保無疆迓

鑾輅而先申舞蹈催科不擾撫黎庶而倍切宣揚

雨露於春臺衆陳誠悃聽謳歌於夾道用達輿

情茲據浙省紳衿耆民錢陳羣等具呈由府
司道詳請代

題恭謝

天恩等情前來臣不敢壅於

上聞謹會同閩浙總督臣蘇昌合詞具

題伏乞

皇上睿鑒施行謹

題

江省尚少茲當入疆伊始疇咨民瘼該省尚有未完款項著加恩將浙江省乾隆二十六七八等年積欠未完漕項及仁和袁浦等場未完竈課銀一萬八千六百餘兩二十四六七八等年因災緩帶積欠未完南米及借給各場竈戶倉米一萬八千九百餘石二十六八兩年錢塘諸暨玉環等廳縣借給農民緩徵穀及因災緩徵租穀一萬六千九百餘石概行豁免該督撫等其率屬實力奉行務俾恩膏下逮稱朕惠愛黎

元至意該部遵諭速行欽此欽遵於初五日抄出到部相應行文浙江巡撫欽遵辦理可也等因又爲欽奉

上諭事乾隆三十年閏二月初八日奉准行在戶部咨開乾隆三十年閏二月初四日內閣奉

上諭朕翠華南幸始莅浙境念該省所免積欠較江省獨少且於未奉恩旨以前復有續完之項民情可謂急公因命悉查積年未完各項無論

南巡盛典 卷四十二
於例應蠲與否盡予豁除以紓民力至清蹕所
經前已降旨蠲本年額賦十分之三昨巡歷江
省復念淮徐各屬地瘠民貧江淮以南人知愛
戴凡水陸經行州縣加免十分之五浙省雖郵
頓無多而除道清塵亦足覘閭閻歡感且兩省
皆係赤子誠求懷保厥視惟均著再加恩將浙
江經過地方本年應徵錢糧概免十分之五俾
羣黎普沾膏澤益慶阜恬副朕入疆施惠至意
該部卽遵諭行欽此欽遵於初五日抄出到部

相應行文浙江巡撫欽遵辦理可也等因又
爲欽奉

上諭事乾隆三十年閏二月初八日奉准
行在戶部咨開乾隆三十年閏二月初四日內
閣奉

上諭朕稽古省方四蒞江浙已降旨將經過地方
本年額賦蠲免十分之三而省會駐蹕之地加
恩更宜優渥其將江南之江寧蘇州浙江之杭
州附郭諸縣本年應徵地丁銀兩槩予豁免用

宣慶惠該部遵諭速行欽此欽遵於初五日抄
出到部相應行文浙江巡撫欽遵辦理可也
各等因咨院行司奉卽騰黃遍發各府屬轉
行曉諭茲據杭州府知府張鎮嘉興府知府
鄒應元湖州府知府甘士瑞紹興府知府高
象震温州府知府李琬署玉環同知王燧寧
紹運副方漢烈詳據仁錢等縣詳稱據紳士
耆民錢琦徐杞孫宗溥陳兆崑柴潮生吳嗣
富陳柟汪憲胡際泰孫廷錫趙樹元汪世勳
孫士毅邵祖節皇甫鯤許王猷諸錦陸樹本
朱王路沈榮仁嚴源燾胡文炳崔修耜等呈
爲恭謝

天恩環懇詳請代

題事竊惟祥徵瑤媯四巡早著於虞書瑞表蒼
姬五載聿垂於周典况

玉輅所臨爲幸徧德羣黎自

鑾輿到處皆春騰歡九域行慶施惠在古爲昭累
洽重熙於今尤甚欽惟我

南遊盛典 卷四十二
皇上

日宣九德

化被萬方

秉金鏡以臨民直聰作后

協玉符而御世出震居尊

天勤清問於下民帡幪宇內

親時巡於屢載丕冒海隅茲以大江南北之輿

情屢殷就日兼之兩浙東西之蔀屋逾切瞻

雲念江蘇財賦稍繁

特予蠲卹知吳越輸將倍力逾沛

恩施如綸如綍

皇仁至再而至三蠲半蠲全

國課免新而免舊從此山陬海澨食德飲和巷

舞衢歌翔風游氣伏願

堦符永泰

砌莢恒春

受天祐而滋天庥論年於萬

建皇極而膺皇祚卜世維千歌復旦兮光華長

游咸五登三之世禮如初而肆覲永覩升中
狩嶽之年芹志久縈葵衷宜罄望

翠華而泥首雖嘗自靖於清塵撫素悃而盟心尚
恐莫陳於

黼座爲此合詞恭懇詳請代

題以慰衆心之肫切以彰

大澤之普霑不盡蟻私曷勝雀躍等情具呈轉詳
到臣據此欽惟我

皇上

大德如天

至仁育物普具發軔善具呈由臣同輩轉請
書陳洪範惟期萬井安全日竊效嵩刊茲難補
圖繪幽風常計百年休養駕漸歸賦與財羣
四巡之

鑾輅載蒞湖山播兩浙之嘉祥頻滋雨露累年積
欠正供雜賦盡免催科上納之煩本歲新糧
半貸全蠲特在經由

駐蹕之地奉

恩綸於黼座喜氣雲高

頒渥澤於璇樞歡聲雷動自此民安耕鑿無非仁

壽之鄉戶饒蓋藏俱是盈寧之俗 臣等撫循

乏術颺頌難名宣三錫之

鴻慈務使人沾實惠承

九重之渙汗不教吏奉虛文謳歌徧越角吳根羣

書深壤擊拜舞同堯天舜日竊效嵩呼茲據浙

全省紳士耆民錢琦等具呈由府司道詳請代

題恭謝

天恩等情前來 臣謹會同閩浙總督 臣蘇昌合詞

具

題伏乞

皇上睿鑒施行謹

題

臣謹按蠲除之制本周禮施舍而推廣之者也考其成法掌於小司徒之職鄉師復歲時巡國及野而調萬民以王命施惠然率以拯其疾苦不在時和歲稔之民惟我

皇上四幸江浙經由直東其間屢豐之郡邑罔弗霑

賜復之庥而微祲之偏隅益復蒙逾格之賑竊惟握睿圖者其益在下宣至化者所積在民

聖天子洪鬯茂澤翔舞太和有遞加而遞優者蠲

除之令凡耗羨畸零及年稍不登之地已責免租動逾萬億伏計江浙爲財賦之藪財賦爲

國用所關而乾隆十六年

特免江南歷年逋賦二百數十萬兩浙江本年正課三十萬兩洎二十二年則蠲免逋賦外又與直東二省並減所過州縣本年額徵十之三矣稍歉者十之五矣省會且概除之矣二十七年

詔如二十二年逮三十年則舊蠲之外江南有例不准蠲之折色一百四十萬兩有奇本色十一萬石有奇浙江折色十三萬兩有奇本色一萬石有奇悉罷其徵本年正賦省會全蠲所過減額並如往例其天行偶歉之地復加賑再三且輟執役之有司專心賑卹之大政至於海濱竈戶常屬役田民隱無不周知寬典亦皆遍及誠大易所謂凡益之道與時偕行者也何

至仁愛民若是其至乎三代以來實未之前聞矣
夫任土而貢草野之常經大有未周盛朝所
常見而

聖渥所敷悉取其分內者寬之更以其望外者惠

之蓋痾瘵既切於

垂裳而

眷顧復勤於效駕雖暄之如春涵之如海未足以

既我

天慈漢臣鼂錯日德澤加於兆民民愈勤農歲熟

且美此

鸞路巡行之地所以降康穰穰而含哺作息共遊

浩蕩鳥得不戴

堯天而常跂

雲日也乎臣高晉恭紀

是日也予親臨

天而

...

...

